

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 37. Statuta Općine Novi Grad Sarajevo - Prečišćeni tekst ("Službene novine Kantona Sarajevo", broj 30/09), Općinski načelnik, dana 28.06.2016. godine, verificovao je i donio

### ODLUKU

#### O KOREKCIJI REGULACIONOG PLANA "INDIVIDUALNO STANOVANJE RAJLOVAC"

##### Član 1.

Utvrđuje se Korekcija Regulacionog plana "Individualno stanovanje Rajlovac" ("Službene novine Kantona Sarajevo", broj 23/08), u daljem tekstu: Korekcija Plana.

##### Član 2.

Korekcija Plana se vrši na saobraćajnici koja se nalazi na granici dva Regulaciona plana - dijelom u granicama Regulacionog plana "Individualno stanovanje Rajlovac" i dijelom u granicama Regulacionog plana "Briješće".

Korekcija se radi u svrhu proširenja ulaza u ulicu Numan paše Čuprilića, kojim bi se obezbijedilo sigurnije, preglednije i bezbjednije odvijanje saobraćaja, prema grafičkom prilogu 2.

##### Član 3.

Korekcija Plana se sastoji iz tekstualnog dijela i grafičkih priloga: Izvod iz Regulacionog plana "Individualno stanovanje Rajlovac" - M 1:1000, prezentirano na listu br. 1, Korekcija

Regulacionog plana "Individualno stanovanje Rajlovac" - M 1:1000, prezentirano na listu br. 2.

Tekstualni i grafički prilozi Korekcije Plana sastavni su dio Regulacionog plana "Individualno stanovanje Rajlovac" ("Službene novine Kantona Sarajevo", broj 23/08).

##### Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture i saobraćaja, izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Individualno stanovanje Rajlovac", te da pribavi saglasnosti nadležnih javnih komunalnih preduzeća.

##### Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva u Službi dokumentacije Općine Novi Grad Sarajevo, Zavodu za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

##### Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-25756/15-5  
28. juna 2016. godine

Općinski načelnik  
Općine Novi Grad Sarajevo  
Mr. **Semir Efendić**, s. r.

#### KOREKCIJA REGULACIONOG PLANA „INDIVIDUALNO STANOVANJE RAJLOVAC,,

M 1: 1000

„Službene novine Kantona Sarajevo,, 23/08

